

PAOT TE KŌMĒN TEXANŌN YŌG TIKMŪ'ŪN PU TAPPET KAX'ĀMI I

¹ Ūgmŭn Paot. 'Āte' kax'āmi nŭhŭ' tappet, yā 'āxop pu kax'āmi', yā Kunnix kopa kuxa mām xop pu' kax'āmi kōmēn Texanŏn tu', yā yŭmŭg 'Ātak Topa yōg xop pu', yā yŭmŭg xuxyā Yeyox Kunnix yōg xop pu' kax'āmi'. Xinax te 'āxop pe'paxex xix Tīmŏn te' kamah. Pu yā Topa xa hāmmaxnā', xayīy 'ākuxa mām.

'Āxop kuxa mām Topa kopah

² Ūgmŭ'āte Topa pu hām'āktux mōkumak mōg, hu: "Kunnix kopa kuxa mām xop pu 'āmax." Kaxīy. Yā 'āxop pu' max Topah. Ūgmŭ'āte Topa pu 'āxop 'āktux mōkumak mōg. ³ Hamŭn, 'ŭgmŭ'āte yāy 'Ātak Topa pu hām'āktux, tu hāmp'e'paxex, 'āxop kuxa mām ka'ok, hu hāpxopmā max xohix. 'Āxop te' nōy putup pax, hu 'āxop te hāpxopmā max punethok. Xate yŭmŭg xuxyā Kunnix hip kumaknāg. Hā kaxīy yŭmŭ'āte hāmpe'paxex, tu Topa pu hām'āktux. ⁴ Ūkxape xop, Topa te 'āxop putup pax, tu tikmŭ'ŭn xohix kopa 'āxop yīmōgātux, tu 'āxop mīy Topa yōg tikmŭ'ŭn xe'e'. Hā kaxīy 'ŭgmŭ'āte pe'paxex, tu Topa pu hām'āktux. ⁵ Hōmā 'ŭgmŭ'āte xa Topa yōg hām'āpak max'ax 'āktux. Ūgmŭ'āte nōm 'āktux, tu hāpxopmā ka'ok xe'ēgnāg, tu Topa Koxuk mŭtik xa Topa yōg hām'āpak max'ax 'āktux, tuk mŭg kuxa mām ka'ok Topa yōg hām'āpak

max'ax kopah. Hōmāg mūg tihi 'āxop kopah, ha xatek mū yōg hāpxopmā max'ax pēnāhā', yāg mūn max xa'. ⁶ Xate 'ūgmūg max pēnāhā', xix yūmūg xuxyā Yeyox yōg, tu nō' max putuk. 'Ūnōy te 'āxop kute'ex kummuk, pa 'āxop te Topa yōg hām'āpak max'ax paha', tu 'ākuxa hittup, yā Topa Koxuk te 'ākuxa hittupmāhā'. ⁷ 'Āxop max, ha 'āmax pēnāhā Kunnix kopa kuxa mām xop te hāpxexka Māxenōn tu', xix hāpxexka Genex tu', tu nō' max kamah, yā 'āxop putuk. ⁸ Hamūn, 'āxop te yūmūg xuxyā Yeyox 'āktux hāpxexka Māxenōn tu', xix hāpxexka Genex tu', yā' xohix yīmap te' yūmmūg, 'ākuxa mām ka'ok. Putep nōy 'āktux putup 'ūgmū'āte'? Puxi'. ⁹ Hōmāg mūg tihi 'āxop kopah, ha 'āxop te topa komut xop nīm, tu ta Topa xe'e pe 'āmōg, ha tikmū'ūn xohix te 'āyīmap te' xupak, tu hām'āktux. ¹⁰ Xate Topak-tok hip, Yā pexkox tu yīxop-tup Topak-tok. Hōmā Topa te yāy kutok Yeyox putpu' hīnnāhā'. Yeyox te yūmūg mōy putup, 'ihā Topa gāy 'ūkummuk xop mūtik.

2

Paot te hāpxopmā max kōmēn Texanōn tu'

¹ 'Ūkxape xop, hōmāg mūg tihi 'āxop kopah, tu hāpxopmā max, 'ap kummuk mīy'ah, 'a yāg mūg hitop ti'ah 'āxop kopah. ² Hōmā tikmū'ūn tek mūg kute'ex kummuk komēn Pinio tu', tuk mūg mānōg, pa hāpxip 'ihāg mūg mōg, tu mōktu 'āxop tuk mūg mōxaha 'ōnte kōmēn Texanōn tu', ha kōmēn Pinio yōg tikmū'ūn tek kute'ex kummuk, 'āxop te' yūmmūg. Pa yūmū yōg Topa tek kuxa hittupmāhā', ha 'āte Topa yōg hām'āpak max'ax

'āktux. ³ 'Ūgmũ'āte Topa yōg hām'āpak max'ax 'āktux, tuk mũ'āte pe'paxex kummuk 'ohnāg, tuk mũ'āte 'ōg hāpxop xak 'ohnāg, tuk mũ'āte 'āxop kupex 'ohnāg. ⁴ 'Ūgmũ'āte putep mũn 'āktux? Topa te nō putup, 'ūgmũ'āte nōm 'āktux mōkumak mōg. Hamũn. Topa tek mūg putup, tuk mũ'ā Topa yōg hām'āpak max'ax hōm, tuk mūg mō'pok, ha 'āte tikmũ'ūn xohix pu nōm 'āktux. 'Ūgmũ'āte putep mũn 'āktux? 'Ok pe tikmũ'ūn te nōm putup pax hām'āktux? 'Ok pe Topa te nōm putup pax hām'āktux? Yā tikmũ'ūn yōg'ah, pa Topa tek mū yōg putup'ax kopit. ⁵ 'Āxop te' yūmmūg. Hōmāg mūg tihi 'āxop kopah. 'Ak mũ'āte xa hā xape komut'ah. 'Ūgmũ'āte 'āxop kupex 'ohnāg. 'Ok 'ūgmũ'āte hām'āktux max, pa 'ōg hāpxop putup? 'Āmhok. 'Ak mũ'āteputup'ah 'ōg tayūmak. Topa te' yūmmūg. ⁶ 'Ak 'ūgmũ'āteputup'ah, puyīy tikmũ'ūn 'ūgmūg 'āktux max. 'Agmũ'āte 'ōg hām'āktux max xak 'ohnāg, xix tikmũ'ūn nōy yōg kamah. ⁷ 'Ūmax, pu Kunnix yōg mō'pok xop tikmũ'ūn yōg hāpxop xak, pak mũ'āte nōm hā xak 'ohnāg, 'a' xat'ax xop putuk'ah, pak mũ'āte xa' hāpxop popmāhā', yā 'ūn tek-tok pu' popmā'ax putuk. ⁸ 'Ūgmũ'āte 'āxop putup pax, hu xa Topa yōg hām'āpak max'ax 'āktux, xix 'āxop pu yāy mũn popmāhā, yāg mũ'āte 'āxop ka'ogāhā'. ⁹ Hamũn, 'ūkxape xop, xate' yūmmūg. Hōmāg mūg tihi 'āxop kopah, tuk mũ'āte hāpxopmā max punethok. Māyōn mōg tox hāg mūg hām, xix 'āmnīy hā, nūy pop hok 'ōg hāpxop xix 'ōg tayūmak, tuk mũ'āte xa Topa yōg hām'āpak max'ax 'āktux.

¹⁰ 'Āxop te' pēnāhā', xix Topa te' pēnāhā', 'ūgmũ'āte hāpxopmāhā max 'āxop pu', yā Kunnix

kopa kuxa mãm xop pu'. Yãg mũ'ãte hãpxopmã max xe'ëgnãg, xix hãpxopmã yok. 'A' hãpxopmã kummuk 'ũm mĩy'ah. ¹¹ 'Ûgmũ'ãte 'ãxop xohix hãg tehe', yã 'ãtak te yãy kutok hã' tehe putuk. 'Ãxop te' yũmmũg. ¹² 'Ûgmũ'ãte 'ãxop xapit, tu 'ãxop kuxa hittupmãhã', tu 'ãxop xapit, xayĩy hãpxopmã max. Topa te nãm putup pax. Topa te 'ãxop yĩmõgatux, xayĩy Topa yõg tikmũ'ũn xop mõkukox, xayĩy Topa max xe'ëgnãg pẽnã'.

¹³ Hõmãg mũ'ãte xa' Topa yõg hãm'ãpak max'ax 'ãktux, ha 'ãxop te' xupak, tu 'ãyĩpkox pip. Xate' pe'paxex, yã Topa yõg hãm'ãktux, 'a' tikmũ'ũn yõg'ah. Hamũn, Topa yõg. Topa te hãpxopmã max 'ãxop kopah, yã' kuxa mãm ka'ok xop kopah, ha mõktuk mũg hittup, tu Topa pu hãm'ãktux, hu: "Ãmax. 'Ãmax nãm tikmũ'ũn pu.'" Kaxĩy. ¹⁴ 'Ûkxape xop, hõmã Yoneo xop te Yeyox Kunnix yõg tikmũ'ũn xop xohik-te'ex kummuk hãpxexka Yonex tu', xix 'ãxape xop te 'ãxop kute'ex kummuk kamah, yã' nõy putuk. ¹⁵ Hõmã Yoneo xop te yũmũg xuxyã Yeyox putex, tu Topa pupi hãm'ãktux xop kix, ha' xakix, tu ta hõnhã yũmũg kute'ex kummuk kamah. Topa te nãm xop putup'ah. Nãm te tikmũ'ũn xohik-te'ex kummuk. ¹⁶ Hamũn, 'Ûgmũ'ãte Yoneo xop kũnãpa pip xop pu Topa yõg hãm'ãpak max'ax 'ãktux. Yã Topa yõg hãm'ãpak max'ax te tikmũ'ũn kuxa mãmãhã Topa kopah, ha Topa te tikmũ'ũn kuxa kummuk xit, nũy kuxa max mõ'tat, 'ũyãnãn tu'. Ha ta Yoneo xop tep-tup, nũy nãm hã hãm'ãktux kuxyã'. Hã kaxĩy Yoneo xop te hãpkummuk mĩy xexka', ha' gãy Topah, tu nãm kopit, nũy yõg kummuk hã yãnãn.

'Ūgmũ'āte 'āxop xak

¹⁷ 'Ūkxape xop, hōmā yūmūg yāy xatat hāpxip kutōgnāg hā. Yūmūg yāy xatat, pak mū'āte 'āxop pekpaxex punethok, tu 'āxop xak nām, tu 'ā hak mūg mōg putup pax. ¹⁸ 'Ūgmũ'āte 'ā hak mōg putup pax. 'Ūgmūn Paot, 'ā hak mōg putup punethok, pa Hāmgāyāgnāg tek kummugā', hak mōg 'ohnāg. ¹⁹ Yā hamūn, yūmūg xuxyā Yeyox te putpu' nūn putup, 'ihā 'āxop pip putup Yeyox keppah, tu ta 'āte hāpxop max hip putup, ha 'āxop tuk mūg kuxa hittup putup, tuk mū'āte 'āxop 'āktux xexkap-tup, yā xut'ax 'āktux putup. Yā mō'tat'ax 'āktux putup. ²⁰ Hamūn, 'ūgmũ'āte 'āxop pekpaxex punethok, tu 'āxop tuk mūg kuxa hittup.

3

¹ Hōmā yūmūg yāy xatat, hak mū'āte 'āxop xak. 'Āte yāy xatat hā tot 'ohnāg, huk nox xip kōmēn 'Atēn tu', ² nūy 'ā ha mō'kutnāhā Tīmōn, yāg taknōy, yā Topa pu' hāpxopmā max 'ūgmūtik, nūy Kunnix yōg hām'āpak max'ax 'āktux. 'Āte 'ā ha nō mō'kutnāhā', pu 'āxop mūtik tu hāpxopmā max, xayīy 'ākuxa mām ka'ok nōy nā mōg, ³ xayīy 'āxop xe hāpkummuk mīy hok, tikmū'ūn te 'āxop kute'ex kummuk hah. Yā hamūn, xate' yūmmūg, Topa tep-tup, pu tikmū'ūn yūmūg kute'ex kummuk. ⁴ Hōmāg mūg tihi 'āxop kopah, tu 'āxop mūtik hām'āktux, hu: “Nōm tek mū'āk-te'ex kummuk putup.” Kaxīy. Yā hāpxip 'ihā tikmū'ūn tek mū'āk-te'ex kummuk. Hamūn. ⁵ 'Āte' hip'ax hā' tot 'ohnāg, hu 'ā ha mō'kutnāhā Tīmōn, pu 'ākuxa mām yūmmūg. 'Ok Hāmgāyāgnāg te 'āmōgāhā'?

'Ok 'ũgmũ yōg hãpxopmã'ax koxyōy? 'Āte' yũmmũg putup.

⁶ Ha ta' mōg, Tĩmōn, tu putpu' nũn, tu hãm'ãktux, 'ãkuxa mãm ka'ok Topa kopah, tu 'ãxop te yãy putup pax, xix Topap-tup pax. Tĩmōn te hãm'ãktux, 'ãxop tek mũ'ã hãm'ãktux max, tu xatek mũg pẽnãp-tup pax. Hamũn, 'ũgmũ'ãte 'ãxop pẽnãp-tup pax kamah. ⁷ 'Ūgmũg xũy, yã nōm tek mũg kute'ex kummuk, pak mũ'ãte 'ãxop yōg hãpxopmã'ax 'ãpak, huk kuxa hittup. 'Ūkxape xop, 'ũgmũ'ãte 'ãkuxa mãm ka'ok 'ãpak, tuk mũg kuxa hittup. ⁸ Topa yōg putat max hã 'ãxop mōg kuma mōg, kopxik kuxa hittup. ⁹ 'Ūgmũ'ãte Topa pu hãm'ãktux, hu: "Āmax, timũ'ũn pu'. Tikmũ'ũn max, kopxik mũg kuxa hittup. 'Āmax. Puxi'." Kaxĩy. ¹⁰ Hãptup kopxix Topa pu hãm'ãktux xexka xix 'ãmnĩy, tu hãm'ãktux, hu: "Āpu 'ũgmũg xat, 'ũgmũg mōg tikmũ'ũn hah." Kaxĩy. Hamũn, 'ãxop hak mũg mōg putup, nũy 'ãxop pu hãmyũmmũgã xate nōm yũmmũg 'ohnãg Topa yōg putat max yōg hãpxop.

¹¹ 'Ūgmũ'ãtep-tup, pu yũmũg 'Ātak Topa 'ãxop tuk mũg mō'pok, xix yũmũg xuxyã Yeyox 'ãxop tuk mũg mō'pok. ¹² 'Ūgmũ'ãtep-tup, xayĩy 'ãxop yãy putup pax nōy nã mōg, xix 'ãxop tikmũ'ũn xohix putup pax nōy nã mōg, ha mōktu 'ãxop tek mũg putuk, yãg mũ'ãte 'ãxop putup pax. ¹³ Ha mōktu Topa te 'ãxop ka'ogãp-tup, ha 'ãxop maxp-tup, tu 'ãxop max xe'ëgnãg yũmũg 'Ātak Topa keppah, 'ĩhã yũmũg xuxyã Yeyox te putpu' nũn putup 'ũyãy yōg xop mũtik.

Hăpxopmă'ax max, Topa te nôm putup

1 'Ûgmũ'âte xe hăm'ăktux. Hăg mũ'âte xa' yũmmũgăhă hăpxopmă max, Topa te nôm putup, ha 'ăxop te hăpxopmă max. 'Ăte xa hăm'ăktux xix yũmũg xuxyă Yeyox te xa hăm'ăktux, hu: "Ăpu hăpxopmă max mĩy nŏy nă mŏg." Kaxĩy. 2 Yă hamũn, hŏmă yũmũg xuxyă Yeyox tek mũg mŏ'pok, 'ũgmũ 'ăxop pu hămyũmmũgă'. Xate' yũmmũg. 3 Topa tep-tup, xayĩy 'ăxop hăpxopmă kummuk kux, nũy ta Topa putuk. Topa tep-tup xayĩy 'ănŏy hă xupxet hok. 4 'Ûmax, pu tik yăy pu xetut xax, nũy nôm mũy, tu hăpkummuk mĩy 'ohnăg. Tikmũ'ũn max te nôm putup. 5 'Ûkummuk, pu tik yăy putup'ax kummuk hă xetut xax, yă puknŏg xop putuk, yă nôm te Topa yũmmũg 'ohnăg xop putuk. 6 'Ûkummuk, pu tik yăy taknŏy kute'ex kummuk, nũy yăy pu' xetut xax. Hŏmăg mũ'âte xa' hăm'ăktux, hu: "Pa 'ătix, yũmũg xuxyă Yeyox te nôm kummuk yănăn putup." Kaxĩy. 7 Topa te yũmũg xat, 'ũyĩy yũmũ nŏy hă xupxet hok. Pa Topa te yũmũg xat, yũmũg hăpxopmă kummuk kux, nũy ta Topa putuk. 8 Tep te nũ hămyũmmũgă'ax 'ăpak 'ohnăg? 'Ok tikmũ'ũn yŏg hămyũmmũg'ax 'ăpak 'ohnăg? 'Ămhok. Yă Topa yŏg. Yă Topa te xa' hŏm Topa Koxuk.

9 'Ok 'âte xa putup pax'ax kax'ămip-tup, yă Kunnix kopa kuxa măm xop yŏg putup pax'ax? 'Ămhok. 'A 'âte xa kax'ămip-tup'ah. Hŏmă Topa te xa' yũmmũgăhă, xayĩy xohix putup pax, 10 ha 'ăxop tep-tup pax Kunnix kopa kuxa măm xop xohix hăpxexka Măxenŏn tu'. 'Ăpu tikmũ'ũn xohixp-

tup pax nōy nã mōg. ¹¹ 'Āpu hāmyĩmtuk, nūy 'ōg hāpxopmã mīy, nūy ta 'ānōy yōg hāpxopmã'ax kute'ex hok, nūy ta 'āhām, xayīy 'ōg tayūmak pi'. Yā hōmā 'ūgmū'āte xa nōm 'āktux. ¹² Hā kaxīy nōm xop kuxa mām 'ohnāg Yeyox kopa te 'āmax pe'paxex putup, ha ta' nōy te 'āxop hā' te 'ohnāg putup.

Yūmūg xuxyā Yeyox te putpu' nūn putup

¹³ Ūkxape xop, 'ūgmū'āte-tup, xayīy hāmyūmmūg xakix xop yōg hāpxopmã'ax, nūy xakix xop hā 'ākuxa xūy hok, nūy 'āpota xexka hok, nūy xate' putuk hok nōm te hāpxop max hip 'ohnāg. ¹⁴ Yūmūg kuxa kopa' yūmmūg, Yeyox xok xe'e', tu putpu' hi', tu putpu' nūn putup, ha Topa te Yeyox mūtik xakix xop nūnnāp-tup, yā nōm kuxa mām ka'ok Yeyox kopa xop nūnnāp-tup. ¹⁵ Topa Xexka te nōm 'āktux, hak mū'āte nōm 'āktux. Yūmūg xuxyā Kunnix te putpu' nūn putup, 'ihā xakix xop putpu' hip-tup, tu' mōg hāmāxap putup Kunnix hah, hak-nāy tu hi xop mōg putup Kunnix hah. ¹⁶ Pexkox yōg nū'pok xop yōg xat'ax te' xat ka'ok putup, ha' nōy te Topa yōg mīxux xop tut kaxyāp-tup, 'ihā yumū xuxyā Kunnix mūn te pexkox tu' yīxop-tup! Ha ta putpu' hip-tup xakix xop, nōm kuxa mām ka'ok Kunnix kopah. ¹⁷ Hag-nāy tu nōmhā hi xop mōgāp-tup pepix kamah, tu mōktu' xohix yāy tu nū' nāp-tup hāmgōy xexka kopah, nūy yūmūg xuxyā Kunnix mūtik mōg. Hā kaxīy nōm te Yeyox mūtik tip-tup, tu xe' yāy xatat putup'ah. ¹⁸ 'Āpu tikmū'ūn kuxa hittupmã nū hām'āktux hā.

5

'Āpu Yeyox te putpu' nūn'ax hip

¹ 'Ūkxape xop, hām 'ūm hā' xip'ax nōm hāpxop? Mō'āgmū'ax 'ūm? 'Āmnīy 'ūm? Putep putuk putup hāpxop xohix, 'ihā putpu' nūn putup Yeyox? Hām 'ūm hā'? 'Āte' yūmmūg'ah, hu' kax'āmip-tup'ah. ² Yūmūg xuxyā Yeyox yōg hāptup xupep putup, ha Yeyox te putpu' nūn putup, yā xupxet'ax xupep putuk, 'ihā tikmū'ūn te nōm hip 'ohnāg. 'Āxop te' yūmmūg. ³ Tikmū'ūn te hām'āktux putup, hu: "Yāmyīptuk nūnte. 'A' hām xūy 'ūm pip'ah. Yā' max hāpxop xohix." Kaxīy. Pa hāpxip 'ohnāg 'ihā hām xūy pip mō'ka'ok, tu xohix koxyōy, yā 'ūn tek-tok put xūy putuk, yā' xupep mō'ka'ok. 'Ap nūpap-tup'ah tikmū'ūn. ⁴ Pa 'ākuxa kopa hāpkoxtap 'ohnāg, hu Yeyox yōg hāptup hip, yā Yeyox te putpu' nūn hip, yā 'ap xupxet'ax xupep'ax putuk'ah xa'. ⁵ 'Āxop xohix yā kuyānām yōg tikmū'ūn, yā hāptup yōg yā 'ākuxa tup. Yūmūg mūn 'a 'āmnīy yōg'ah, 'a hāpkoxtap yōg'ah, pa hāmyūmmūg. ⁶ 'Āpu mō yūmū yōn hok, yā 'ap nōy putuk'ah. 'Āpu yūmū pa ka'ok, nūy hāmpēnā', nūy Yeyox hip. ⁷ 'Āmnīy 'ihā mō'yōn pax tikmū'ūn, yā 'āmnīy 'ihā paptux xop paptux. Yā' kuxa mām 'ohnāg xop te kaxīy. ⁸ Pa 'āxop yā hāptup yōg. Pu yūmūg pa ka'ok, nūy hāmpēnā', nūy Yeyox hip. 'Āpu yūmū mō'tat kuxa mām ka'ok'ax xix putup pax'ax. Yā nōm te xonat yōg pipkup hā kep xax putuk. 'A hāpxop kummuk te mō'nāp-tup'ah. 'Āpu yūmū mō'tat kama Topa yōg hāpxop max hip'ax. Hamūn, Topa te tikmū'ūn kuxa kummuk xit, nūy kuxa max mō'tat, 'ūyānān tu'. Ta nōm te xonat xop yōg pipkup hā kuxxax putuk. 'A hāpxop kummuk te mō'nāp-tup'ah. 'Āpu mō'tat.

9 Topa te yāy ha yūmūg xānāhā', nūy yūmū'ā tu' gāy hok, pa yūmūg xuxyā Yeyox Kunnix hā yūmūg kuxa kummuk xit, nūy kuxa max mō'tat, 'ūyānān tu'. 10 Yeyox te yūmūg pupi' xok, 'ūyīy nū mūtik 'āti', pe yūmūg pip 'īhā putpu' nūn Kunnix, pe yūmūg xakix, 'īhā putpu' nūn Kunnix. 11 'Āpu yāy mūtik hām'āktux, pu yīpkutuk tu nōg. 'Āpu tikmū'ūn kuxa hittupmā'. Yā xate nōm mīy nōmhā. 'āpu 'āhup hok.

'Āpu hāpxopmā te kaxīy

12 'Ūkxape xop, 'ūgmū'āte xa' xak, 'āpu hām'ax xupax, nōm te hāpxopmā max 'āxop kopah. Yā Topa te nōm yīmōgātux, puyīy 'āxop mōgā', puyīy 'āxop pu hāmyūmmūgā'. 13 'Āpu nōm hām'ax xupax xexka'. 'Āpu nōm putup pax, tute hāpxopmā max hah. 'Āpu yāy kix hok.

14 'Ūkxape xop, 'ūgmū'āte xa' xak. 'Āpu tuknōgnāg xop pu hām'āktux, pu tu hām. 'Āpu 'ūyīpkutuk xop kuxa hittupmā'. 'Āpu pu'uk xop hā 'ātehet. 'Āpu 'ūyōg hāpxopmā max hip punethok. 15 'Āpu hāpkummuk mīy'ax hā yānān hok. Pa 'āpu tikmū'ūn pu hāpxopmā max 'āxop. 'Āpu hāpxopmā max mōkuma mōg tikmū'ūn xohix pu'. 'Āpu yāy pu hāpxopmā max 'āxop.

16 'Āpu yā māyōn mōg tox hā 'ākuxa hittup pax xix 'āmñīy tox hā 'ākuxa hittup pax. 17 'Āpu Topa pu hām'āktux mōkuma mōg. 18 'Āpu hāpxop xohix 'āyīmap 'āktux Topa pu', hu: "Puxi". 'Āmax xohix pu'. 'Āmax." Kaxīy. Hamūn, Topa tep-tup nōm hāpxopmā'ax 'īhā 'āxop mōg Yeyox Kunnix mūtik.

19 Yã Topa Koxuk yõg hãpxopmã'ax kuxyã hok.
 20 Hãmp'e'ãpaxeh hok: “Yã' kummuk, Topa pupi hãm'ãktux xop te hãm'ãktux,” kaxĩy. Yã' max 'üyõg hãm'ãktux. 21 Pa 'ãpu hãpxopmã'ax xohix kopit. 'ãpu hãpxop max putyõn hok, xix hãpxopmã'ax max putyõn hok. 22 'ãpu hãpxop kummuk mĩy'ax xohix kux.

23 Topa te yũmũ'ã' hõm hãmyĩptuk'ax. 'ãtep-tup, pu Topa yãy pu 'ãxop xohix pop, yã 'üyõg xop xe'ëgnãg 'ãxop. 'ãtep-tup, pu Topa 'ãxop pẽnã max, yã 'ãkoxuk pẽnã', xix 'ãkuxa, xix 'ãyĩn, xayĩy 'õg hãpkummuk mĩy'ax pip putup'ah, 'ihã' putpu' nũn putup yũmũg xuxyã Yeyox Kunnix. 24 Hamũn, Topa tep-tup nõm hãpxopmã'ax. Tute 'ãxop xãnãhã', tu 'ãxop tu' xip ka'ok. Topa tep-tup.

25 'Ûkxape xop, 'ãpu Topa pu 'ũgmũn 'ãktux.

26 'ãpu taknõy xohix pu hãm'ãktux, hu: “'Ûgmũ'ãte 'ãxop xaxok 'ohnãg.” Kaxĩy. 'ãpu xape xop yãy kep hã mũy, yã taknõy max putuk.

27 'ãte xa' xak, ha yũmũg xuxyã Yeyox te' xupak, 'ãpu nũ tappet mõkupix taknõy xohix pu', xix tukũm xohix pu', yã Kunnix kopa kuxa mãm xop pu'.

28 Puyã yũmũg xuxya Yeyox Kunnix xa hãmmaxnã'.

Tu ta tu' kux.

Topa Yōg Tappet
New Testament in Maxakalí (BR:mbl:Maxakalí)

copyright © 2011 Wycliffe Bible Translators, Inc.

Language: Maxakalí

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Maxakalí

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
a212b59e-62d7-5a38-9773-b0ce1d5b248b